



POZIV AUTORIMA

Poštovani autori,
Pravni fakultet Univerziteta u Tuzli objavljuje poziv svim autorima da dostave svoje radove za novi broj „Zbornik radova Pravnog fakulteta u Tuzli“.

Radove možete dostaviti na e-mail adresu: zbornikpftz@untz.ba ili putem pošte na adresu: Pravni fakultet Univerziteta u Tuzli, ul. Muhameda Hevajja Uskufija br. 7, 75000 Tuzla – sa naznakom za „Zbornik radova Pravnog fakulteta u Tuzli“. Ukoliko radove dostavljate poštom obavezno je dostaviti potpisanu printanu verziju rada u tri primjerka, te jedan primjerak elektronske verzije na CD-u.

S poštovanjem,

*PRAVNI FAKULTET UNIVERZITETA U TUZLI
Uredništvo časopisa
Zbornik radova Pravnog fakulteta u Tuzli*

Upute autorima

Časopis „Zbornik radova Pravnog fakulteta u Tuzli“ objavljuje radove iz oblasti pravnih i drugih srodnih društvenih disciplina, te ima za cilj unapređenje naučno-istraživačkog rada u navedenim oblastima nauke. Uredništvo prima rukopise u elektronskom obliku (CD ili e-mail) ili na papiru u tri jednaka primjerka poštom na bosanskom, hrvatskom, srpskom, engleskom, francuskom i njemačkom jeziku, a odlukom uredništva može se prihvatiti za objavljivanje i rukopis na nekom drugom stranom jeziku. Uredništvo prima isključivo neobjavljene radove.

Autori daju časopisu pravo objavljivanja radova, kako u štampanom, tako i u elektronskom obliku.

Naučni i stručni radovi podliježu anonimnom recenzentskom postupku. Radi anonimizacije rukopisa, koja se obavlja uklanjanjem imena autora, neprihvatljivo je da autor u radu piše na način da je identitet autora moguće otkriti iz načina na koji upućuje na vlastite radove.

Prikazi knjiga, naučnih skupova, osvrti i ocjene ne podliježu recenziji.

U časopisu se objavljuju naučni i stručni radovi koji ne prelaze dužinu od 10.000 riječi, uključujući sve dijelove rada. Prikazi knjiga, naučnih skupova, osvrti i ocjene ne mogu prelaziti dužinu od 2000 riječi. Uredništvo zadržava pravo za objavljivanje radova izvan spomenutih kategorija i sa dužinom koja prelazi navedeni obim, ukoliko je rad značajan za razvoj pravne teorije i prakse.



Radovi treba da sadrže slijedeće dijelove:

- ime i prezime autora,
- naziv i sjedište ustanove zaposlenja,
- e-mail adresa,
- naslov rada (b/h/s jezik),
- naslov rada (eng./njem./franc. jezik),
- sažetak sa ključnim riječima (maksimalno 200 riječi) (b/h/s jezik),
- sažetak sa ključnim riječima (maksimalno 200 riječi) (eng./njem./franc. jezik),
- uvod,
- glavni dio rada,
- zaključak i
- literatura.

Sav tekst se piše u fontu 12, Times New Roman, prored 1,5.

Tekst ne smije sadržavati zaglavlja (Header) niti podnožja (Footer).

Sve fusnote pišu se u fontu 10, Times New Roman, prored 1 i u formatu „Footnote“. Margine stranice moraju imati razmak od 16 cm.

Način citiranja u okviru cjelokupnog rada mora biti jedinstven.

Prilikom citiranja autori treba da dosljedno primjenjuju slijedeća pravila citiranja:

PRAVILA CITIRANJA

1. Knjige

Prezime autora (sa zarezom) i prvo slovo imena (nakon kojeg slijedi tačka), godina izdanja, naziv knjige (*italic*), izdavač (ako je poznat), te mjesto izdanja . Ako se navodi i broj strane on se nakon zareza piše bez ikakvih dodataka (poput str. i slično).

Primjer: Alihodžić, J. (2012.), *Razvoj evropskog međunarodnog privatnog prava: pravci reforme zakonodavstva u Bosni i Hercegovini*, OFF SET, Tuzla, 23

2. Knjige sa većim brojem autora

Ukoliko postoji više autora knjige ili članka (do tri), navode se na slijedeći način:

Primjer: Sijerčić-Čolić, H., Vranj, V. (2012.), *Uvod u penologiju i izvršno krivično pravo*, Pravni fakultet Univerziteta u Sarajevu, Sarajevo, 123.

Ukoliko se citira knjiga ili članak sa više od tri autora navodi se prezime samo prvog autora (sa zarezom), te prvo slovo imena (sa tačkom), uz dodatak skraćenice riječi et alia (et. al.) kurzivom.

Primjer: Karić, A. et al.

3. Rad u zborniku radova ili uredničkoj knjizi

Članak u zborniku radova ili rad u uredničkoj knjizi navode se na slijedeći način:

Primjer: Dunkel, F., *Youth Violence and Juvenile Justice in Germany* u: Dunkel, F., Drenkhahn, K. (eds.), *Youth Violence, New Patterns and Local Responses-Experiences in East and West*, Forum Verlag Godesberg, Monchengladbach, 2003., 77

4. Članci u naučnim časopisima

Prezime autora, prvo slovo imena (sa tačkom), naziv članka podnavodnicima (*italic*), naziv časopisa, broj i godište, te broj stranice koja se iz tog članka citira bez ikakvih dodataka.

Ukoliko je naziv časopisa dug, prilikom prvog citiranja u zagradi se navodi skraćenica pod kojom će se periodika nadalje pojavljivati.

Primjer: Bupalović, T., „Pravo optuženika na obrazloženu sudsku odluku“, Zbornik Pravnog fakulteta u Zagrebu, vol. 64., br. 5-6/2014, 989

5. Članci u novinama

Članci u novinama navode se prema datumu, bez navođenja broja novina.

Primjer: T. Lazović, *Evropska diplomatska elita stiže u Sarajevo*, Dnevni avaz, 26. maja 2010., 8.

6. Magistarski rad ili disertacija

Magistarski rad ili doktorska disertacija se navode tako što se naznači prezime kandidata, prvo slovo imena (sa tačkom), naslov magistarskog rada ili disertacije (pod navodnicima), nakon čega slijedi vrsta rada (magistarski rad / doktorska disertacija), akademska institucija u kojoj je rad pisan i odbranjen, te godina odbrane.

Primjer: Šimić, M., „Zaštita autorskih prava u krivičnom zakonodavstvu u Bosni i Hercegovini“, magistarski rad, Pravni fakultet Univerziteta u Tuzli, 2015.

7. Ponavljanje citata

Ukoliko se citira podatak s iste strane iz istog djela kao u prethodnoj fusnoti, koristi se skraćunica za ibidem u kurzivu, s tačkom na kraju (bez navođenja prezimena i imena autora).

Primjer: *ibid.*

Ukoliko se citira podatak iz istog djela kao u prethodnoj fusnoti, ali s različite stranice, koristi se skraćunica *ibid.*, navodi se odgovarajuća strana i stavlja tačka na kraju.

Primjer: *ibid.*, 114.

8. Navođenje jednog ili više tekstova od istog autora

Ukoliko se u radu navodi samo jedan tekst određenog autora, kod ponovnog navođenja tog teksta, poslije prezimena autora (sa zarezom) i prvog slova imena (sa tačkom), dodaje se inačica *op. cit.* (*italic*), te broj stranice i tačka.

Primjer: Petrović, A., *op. cit.* 47.

Ukoliko se navodi više radova istog autora, bilo knjiga ili članka, a nakon što je prvi put naziv svakog rada naveden u punom obliku, poslije prezimena autora (sa zarezom) i prvog slova imena (sa tačkom) navodi se naziv rada (*italic*), te broj stranice sa tačkom.

Primjer: Simović, M., Simović, V., *Genocid u međunarodnom krivičnom pravu i krivičnom pravu Bosne i Hercegovine*, 78.

9. Propisi

Propisi se navode punim nazivom, zatim se navodi glasnik u kojem je propis objavljen, a poslije zareza broj i godina objavljivanja. Ukoliko će se pomenuti zakon citirati ponovo, prilikom prvog pominjanja poslije crte navodi se skraćunica pod kojom će se propis pojavljivati.

Primjer: Zakon o obligacionim odnosima – ZOO, Službeni list SFRJ, br. 29/78.

Ukoliko je propis izmijenjen i dopunjen, navode se sukcesivno brojevi i godine objavljivanja izmjena i dopuna.

Primjer: ZOO, Službeni list SFRJ br. 29/78, 39/85, 46/85, 45/89, 57/89, Službeni list R BiH br. 2/29, 13/93, 13/94 i Službene novine Federacije Bosne i Hercegovine br. 29/03.

10. Sudske odluke

Navođenje sudskih odluka treba da sadrži što potpunije podatke (vrsta i broj odluke, datum kada je donesena publikacija u kojoj je eventualno objavljena).